

**ქალაქ ქუთაისის მუნიციპალიტეტის საკრებულოს წევრის,
ქალაქ ქუთაისის მუნიციპალიტეტის საკრებულოს თავმჯდომარის
პირველი მოადგილის, გია ბასილაძის 2023 წლის
ანგარიში გაწეული მუშაობის შესახებ**

მე, როგორც საკრებულოს წევრსა და ამავდროულად საკრებულოს თავმჯდომარის პირველ მოადგილეს, ანგარიშვალდებულება ამომრჩევლების წინაშე და საჯაროობის პრინციპის დაცვა, მავალდებულებს ყოველწლიური ანგარიში ჩაგაბაროთ გაწეული საქმიანობის შესახებ. კანონით ნაკისრი ეს ვალდებულება, საშუალებას გვაძლევს ამომრჩევლებს მიეწოდოს სრულყოფილი ინფორმაცია ჩემი საკრებულოში საქმიანობის თაობაზე.

2021 წლის 3 დეკემბრიდან დღემდე ვარ ქალაქ ქუთაისის მუნიციპალიტეტის საკრებულოს წევრი. ქალაქ ქუთაისის საკრებულოში არის ხუთი მუდმივმოქმედი კომისია, რომლებიც საკრებულოს ბიუროზე წარსადგენად სამუშაო გეგმის შესაბამისად შეიმუშავებს, განიხილავს და ამზადებს საკრებულოს გადაწყვეტილებათა პროექტებს. თითოეული გადაწყვეტილება, რომელიც საბოლოოდ საკრებულოს სხდომაზე სამართლებრივი აქტის სახეს იღებს, მუშავდება სწორედ კომისიების მიერ საქართველოს კანონმდებლობით, საკრებულოს რეგლამენტითა და შესაბამისი კომისიის დებულებით განსაზღვრული პროცედურების დაცვით, თავიანთი სფეროების შესაბამისად.

თავად ვარ ქალაქ ქუთაისის მუნიციპალიტეტის საკრებულოს იურიდიულ საკითხთა კომისიისა და საფინანსო-საბიუჯეტო კომისიის წევრი. ჩემი უფლებამოსილების ფარგლებში ვახორციელებ ჩემზე დაკისრებულ ვალდებულებებს და აქტიურ მონაწილეობას ვიღებ საკრებულოს კომისიების მუშაობაში.

საანგარიშო პერიოდის განმავლობაში, მიმდინარე მოწვევის პერიოდში, ჩემი მონაწილეობით ჩატარდა საკრებულოს საფინანსო-საბიუჯეტო კომისიის 10 სხდომა. მათზე განხილული იქნა 42 საკითხი. კომისიის მიერ, მნიშვნელოვანი ყურადღება დაეთმო საქართველოს საკანონმდებლო აქტებით, ადგილობრივი თვითმმართველობის კოდექსითა და საკრებულოს რეგლამენტით დადგენილი წესით, ადგილობრივი თვითმმართველობის ბიუჯეტის პროექტის განხილვის, დამტკიცებისა და დამტკიცებულ ბიუჯეტში ცვლილების შეტანის საკითხებს.

საკრებულოს იურიდიულ საკითხთა კომისიას საანგარიშო პერიოდში ჩატარებული აქვს 23 სხდომა, სადაც განხილული იქნა 61 საკითხი, რომლებზეც მიღებულია შესაბამისი გადაწყვეტილებები და შემუშავებულია დასკვნები. იურიდიულ საკითხთა კომისია აქტიურად არის ჩაბმული საკრებულოს სამუშაო პროცესში, მონაწილეობს საკრებულოში შემოსული პროექტების განხილვაში, ამზადებს შენიშვნებს, რეკომენდაციებს, დასკვნებს და შემდგომში მიღების მიზნით გადასცემს შესაბამის ორგანოებს.

საანგარიშო პერიოდში რეგლამენტი და სხვა შესაბამისი კანონმდებლობით განსაზღვრული პროცედურების დაცვით ქუთაისის მუნიციპალიტეტის საკრებულომ ჩაატარა 12 რიგითი და 4 რიგგარეშე საკრებულოს სხდომა. საკრებულოს სხდომაზე გამოტანილი ყველა საკითხი, რომლის განხილვაშიც მივიღე მონაწილეობა იყო მნიშვნელოვანი და ჩემს მიერ მხარდაჭერილი.

როგორც ქალაქ ქუთაისის მუნიციპალიტეტის საკრებულოს უმრავლესობის ლიდერი საანგარიშო პერიოდში დავესწარი უმრავლესობის ყველა სხდომას. ასევე, ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ რვა სხდომას, რომელზეც განხილული იქნა რვა საკითხი.

ფრაქციის სხდომებზე განხილული საკითხებიდან განსაკუთრებით მნიშვნელოვანია ინფრასტრუქტურის პროექტების მხარდაჭერა და ფრაქციის ინიციატივა სკოლის მოსწავლეებისათვის სამგზავრო შეღავათების დაწესებასთან დაკავშირებით.

აღნიშნულ პერიოდში, როგორც საკრებულოს თავმჯდომარის პირველმა მოადგილემ მონაწილეობა მივიღე სხვადასხვა სოციალურ და საქველმოქმედო ღონისძიებაში. თითოეულ აქტივობაში მნიშვნელოვანი ყურადღება მიექცა მოსახლეობის საჭიროებოტო საკითხების მოგვარებას, ქვეყნისათვის თავდადებული ადამიანების ხსოვნის პატივგებას, მომავალი თაობის მიერ მიღწეული წარმატებების წახალისებას. შეუძლებელია აქ ყველა იმ ღონისძიებაზე დეტალურად ისაუბრო, რასაც საკრებულო ახორციელებს არაერთი შეჭირვებული თუ სხვადასხვა სფეროს ღვაწმოსილ ადამიანთა დაფასების, მორალური თანადგომისა და მხარდაჭერის გამოსახატავად.

კერძოდ, ქუთაისის პირველ, 30-ე, 26-ე, 23-ე და 32-ე საჯარო სკოლის წარმატებულ მოსწავლეებს კომპიუტერები გადაეცათ.

საზეიმოდ გაიხსნა მათა ჩიბურდანიძის სახელობის რეაბილიტირებული საჭადრაკო სკოლა.

480 დევნილ ოჯახს თანამედროვე სტანდარტების შესაბამისი საცხოვრებელი ბინები საკუთრებაში გააღებათ.

გაიხსნა ოლიმპიური სტანდარტის საცურაო აუზი და რამაზ შენგელაის სახელობის განახლებული სტადიონი.

მოეწყო ახალი რეკრეაციული სივრცე მუხრანის ადმინისტრაციულ ერთეულში, რომელიც აღჭურვილია თანამედროვე ტიპის განათებებით, ძელსკამებითა და საბავშვო გასართობებით.

კუპრამის ქუჩაზე დასრულდა სპორტული დარბაზის სარეაბილიტაციო სამუშაოები.

ქუთაისის აკაკი წერეთლის სახელმწიფო უნივერსიტეტში მრავალფუნქციური ცენტრი გაიხსნა. პროექტის ფარგლებში სრულად გარემონტდა უნივერსიტეტის კორპუსი – მოეწყო საკონფერენციო და საგამოფენო სივრცეები, 456 მსმენელზე გათვლილი

საკონცერტო დარბაზი, სარეპეტიციო დარბაზი, სველი წერტილები და გამოსაცვლელი ოთახები.

ასევე ჩატარდა სხვადასხვა სახეობის სპორტულ-გამაჯანსაღებელი ობიექტების, კერძოდ მინი სპორტული მოედნების მოწყობა-რეაბილიტაცია.

მიმდინარე წელს ქალაქ ქუთაისის მუნიციპალიტეტმა, საქართველოს პარლამენტთან ერთად, გაეროს განვითარების პროგრამის („UNDP“) ფინანსური მხარაჭერით შეიმუშავა სპორტის განვითარების კონცეფცია. ადგილობრივი თვითმმართველობა უზრუნველყოფს სპორტის იმგვარი პოლიტიკის დაგეგმვასა და განხორციელებას, რომელიც ემსახურება ინკლუზიური ადგილობრივი საზოგადოების გაძლიერებას, მის კეთილდღეობასა და სოციალურ-ეკონომიკურ განვითარებას. კონცეფციის სტრატეგიული პრიორიტეტები და მიზნები განისაზღვრა დაინტერესებულ მხარეებთან გამართული კონსულტაციების, ჩატარებული თვისებრივი და რაოდენობრივი კვლევების, აგრეთვე ქალაქ ქუთაისის მუნიციპალიტეტის ადგილობრივი თვითმმართველობის მონაწილეობით გამართული სამუშაო შეხვედრების შედეგების გათვალისწინებით. ქალაქ ქუთაისის სპორტის პოლიტიკის სხვადასხვა ასპექტის სიღრმისეული ანალიზი, საბაზისო მონაცემები, პოლიტიკის სუსტი და ძლიერი მხარეები, რისკები და შესაძლებლობები, აგრეთვე პოლიტიკის გაუმჯობესების ძირითადი მიმართულებები წარმოდგენილია 2023 წელს მომზადებული კვლევის ანგარიშში „ქუთაისის სპორტის პოლიტიკის ანალიზი“.

როგორც საკრებულოს წევრს მაქვს ყოველდღიური შეხვედრები მოსახლეობასთან. საანგარიშო პერიოდში ჩემთან მიღებაზე იმყოფებოდა 609 მოქალაქე, რომელთა თხოვნები, ძირითადად ეხება საყოფაცხოვრებო და მატერიალურ საკითხებს. ვისმენ მათ პრობლემებს და უფლებამოსილების ფარგლებში, მივმართავ შესაბამის ორგანოებს მათ გადასაჭრელად.

ჩემს ანგარიშში ყურადღება გავამახვილე, კონკრეტულად იმ საკითხებზე და პრობლემებზე, რომელთა გადაწყვეტაში აქტიურად ვმონაწილეობდი და მივიღეთ დადებით შედეგი, ყოველივე ამას დიდი მნიშვნელობა აქვს ჩვენი ქალაქისათვის.

ნდობის მაღალი მანდატი, რომელიც განპირობებულია საზოგადოებისა და საკრებულოს წევრების მხრიდან, ზრდის ჩემს პასუხისმგებლობას საქმისა და თითოეული ამომრჩევლის მიმართ. ჩემი საქმიანობის მთავარი მიმართულებაც გამოცხადებული ნდობის გამართლებაა.

ვიმედოვნებ, რომ მომავალ წელსაც ასეთი აქტიური და ნაყოფიერი სამუშაო წელი იქნება და კიდევ ბევრ კარგ პროექტსა თუ ინიციატივას ჩავუყვრით საფუძველს ჩვენი ქალაქისა და მოსახლეობის კეთილდღეობისათვის.

ბოლოს მინდა მადლობა მოგახსენოთ თითოეულ თქვენგანს მობრძანებისა და ნდობის გამოხატვისთვის, რომ შესაძლებლობის ფარგლებში მომეცა საშუალება წვლილი შემეტანა ჩვენი ქალაქის კეთილდღეობასა და განვითარებაში.

ქალაქ ქუთაისის მუნიციპალიტეტის საკრებულოს წევრი
ქალაქ ქუთაისის მუნიციპალიტეტის საკრებულოს თავმჯდომარის პირველი მოადგილე

გია ბასილაძე

A handwritten signature in black ink, appearing to read 'G. Basilaдзе', written in a cursive style.